




CHINESE - JAPANESE LIBRARY OF  
HARVARD-YENCHING INSTITUTE  
AT HARVARD UNIVERSITY  
MAY 31 1958

T 3224/3350.83











永春州志卷之四

哈佛大學漢和  
圖書館珍藏印

學校志

自古人才之盛皆由於學校所以明聖功備天  
德典至重也永春學宮之建肇於宋而人才之  
盛亦因之蔡光烈識朱子於闡中淵源有自矣  
而陳俊之黃宗台諸君子承其脈而綿其緒海  
濱鄒魯之化其在斯乎厥後文物丕振代有傳  
人或以道德垂休或以勳名著望固蔚然學校  
之光也我

國家重熙累洽多士幸逢一道同風之會訖揚



文教涵泳

聖涯於以徵霞蔚雲蒸仰副

壽考作人之至治豈不盛哉况當茲

文廟重新泮宮茹藻歌思樂者正未有艾也志學校

學制

州學 在州治東宋仁宗慶歷間始建於東渡橋西

徽宗大觀四年知縣事留鎔遷於知政橋北紹興

七年知縣事方漸又遷於州西官田市二十七年

知縣事黃瑀新建學門闢衢路作亭曰豁然鐫詞

以勵學者淳熙九年知縣事陳宏規闢講堂新廡

門增弟子員元延祐泰定間縣尹李文崇趙鎔相

繼修建

何大奎有記

至正十二年縣尹盧琦建戟

門櫺星門修明倫堂左右四齋鑿池甃石中經寇

亂至十五年始成明永樂十五年知縣温琇正統

十二年僉事陳祚成化十八年知縣方敏相繼修

建宏治初知縣周膺改建

大成殿名宦鄉賢二祠備祭器

蔡清有記

五年同知

署縣事于茂遷於州治東即今地嘉靖五年知縣

柴鑣改遷於縣北白馬山之陽

林俊有記

三十一

年知縣羅汝涇復遷於官田市舊址造兩齋

日居仁日



由義號舍二十八植 吳遵有記三十九年燬於倭四

十四年知縣謝裘仍建於州治東今所中為

先師廟前為東西廡為露臺甬道廟門泮池扶欄以

石隆慶五年知縣陳九儀建鄉賢名宦二祠明倫

堂及儀門 鄭應科兄弟捐西六年邑士李陽初捐

崇建啓聖祠萬歷間知縣范時化建尊經閣

國朝順治四年寇燬州治惟文廟僅存康熙元年知

縣馬生鱗重修二十一年知縣鄭功勳教諭蔡祚

週重新之四十三年知縣曹鑛修葺五十三年大

風雨殿宇傾塌知縣石如金重建雍正二年知縣

于翰翊教諭張壽介葺而新之櫺星門外左右二

坊一日聚奎一日毓秀毓秀坊久毀乾隆十年知

州杜昌丁重建十七年知州杜昌丁移建崇聖祠

于大成殿後三十二年知州嘉謨另建明倫堂於

大成殿東以舊明倫堂為學院大堂四十五年署

知州鄭一桂將文廟後左忠義祠移於戟門旁以

忠義祠原地改建崇聖祠又重新兩廡戟門及名

宦鄉賢各祠并園橋櫺星門等處惟大成殿仍舊

至五十年知州鄭一崧重建大成殿增高前制其

櫺星門外之外屏墻高一丈七寸



歷朝封號

孔子封號始於漢平帝時封為褒成宣尼公唐高宗  
贈為太師元宗封為文宣王宋太祖詔廟門立戟  
十六真宗加為元聖文宣尋改元聖為至聖徽宗  
加冕十二旒服九章廟門用戟二十四元成宗又  
加為大成至聖文宣明洪武三年詔孔子封爵如  
舊嘉靖九年易封號曰 至聖先師孔子改大成  
殿曰 先師廟戟門曰廟門  
國朝順治二年定文廟諡號稱為 大成至聖文宣  
先師孔子十四年議改為 至聖先師孔子通行

直省康熙二十三年

御書萬世師表匾額恭懸 大成殿仍頒發直省雍

正五年

諭每歲恭值八月二十七日誕辰致齋一日不理刑  
名禁止屠宰永著為令是年

御書生民未有匾額恭懸 大成殿並頒發直省乾

隆三年

御書與天地參匾額恭懸 大成殿並頒發直省

歷朝廟祀

廟祀之禮自魯哀公十六年孔子卒公誅之為立廟



舊宅置卒守焉孔子之立廟已始於此至漢高祖過魯始以太牢祀孔子於闕里此漢以來祀孔子之始武帝表章六經後世乃知尊崇夫子其後元帝始詔太師成君霸以所食邑八百戶祀孔子賜霸爵關內侯魏正始間始祀孔子於辟雍隨命州縣立學皆以春秋仲月釋奠至唐高祖始詔立廟唐太宗始命守令主祭後遂因之宋仁宗始詔天下以春秋仲月上丁釋奠歷代相仍

國朝因之舊用少牢雍正三年改用太牢

從祀之祭則自漢安帝時始祀七十二弟子於闕里

猶未祀之於學至唐高祖時始詔國學立周公孔子廟各一所及太宗貞觀初因房元齡言請別祀周公始尊孔子爲先聖顏子爲先師配之貞觀二十一年始以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服虔何休王肅王弼杜預范甯賈逵二十二人配享高宗總章間始贈顏回爲太子少師曾參爲太子少保並配享至元宗開元間用李瓘言始以顏淵閔子騫冉伯牛仲弓宰我子貢冉有季路子游子夏爲十哲而以曾參爲十哲之次



各為坐像餘弟子悉從祀於廡開元二十七年又  
 贈顏子為兗國公閔子騫等九人為侯曾參等為  
 伯宋真宗又以閔子騫而下皆為公會參而下皆  
 為侯左邱明而下皆為伯神宗元豐間始以孟子  
 同顏子配食荀况楊雄韓愈並從祀徽宗大觀始  
 以子思從祀理宗淳祐始加周惇頤張載程顥程  
 頤封爵與朱熹並從祀景定間又加張栻呂祖謙  
 伯爵從祀度宗咸淳始以顏回曾參孔伋孟軻並  
 配孔子而升顥孫師于十哲列邵雍司馬光于從  
 祀元皇慶間又以許衡從祀至順間加封顏子為

兗國復聖公會參為邾國宗聖公孔伋為沂國述  
 聖公孟軻為鄒國亞聖公嘉靖九年易四哲曰復  
 聖顏子宗聖曾子述聖子思子亞聖孟子黜兩廡  
 申黨即申公伯寮秦冉顏何荀况戴聖劉向賈逵  
 馬融何休王肅王弼杜預吳澄十四人增入后蒼  
 王通胡瑗歐陽修陸九淵五人退林放蘧瑗鄭元  
 服虔范甯鄭衆盧植七人各祭於其鄉定十哲閔  
 子騫冉伯牛冉子有仲子路冉仲弓宰子我端木  
 子貢言子游卜子夏顥孫子張與兩廡六十二賢  
 春秋以來諸儒隆慶五年增祀薛瑄萬歷十二年



增祀王守仁陳獻章胡居仁

國朝康熙五十一年升朱子於大成殿十哲之次五十四年增祀范仲淹雍正二年議復祀先賢林放蘧瑗秦冉顏何先儒鄭康成范甯六人增祀孔子弟子縣亶牧皮孟子弟子樂正子公都子萬章公孫丑漢諸葛亮宋尹焯魏了翁黃幹陳淳何基王栢趙復元金履祥許謙陳澔明羅欽順蔡清國朝陸隴其二十人乾隆元年謚陸隴其曰清獻三年進有子於東哲列朱子於西哲復祀吳澄於兩廡

配祀位次

正殿

先師至聖孔子

東配二位

復聖顏子

述聖子思子

西配二位

宗聖曾子

亞聖孟子

東哲六位



閔子損 子騫魯人

冉子雍 仲弓魯人

端木子賜 子貢衛人

仲子由 子路卞人

卜子商 子夏衛人

有子若 子有魯人乾隆三年升哲

西哲六位

冉子耕 伯牛魯人

宰子子 子我魯人

冉子求 子有魯人

言子偃 子游吳人

顓孫子師 子張陳人

朱子熹 仲晦康熙五十一年升哲

東廡先賢三十九位

蘧子瑗 伯玉衛人雍正三年增祀

澹臺子滅明 子羽魯人

原子憲 子思宋人

南宮子适 家語作緇或作韜子容魯人

商子瞿 子木魯人

漆雕子開 子若蔡人



永春州志 卷之四  
司馬子耕 子牛宋人

梁子鱣 叔魚齊人

冉子儒 子魯魯人

伯子虔 家語作處  
子哲魯人

冉子季 子產魯人

漆雕子徒父 家語名從  
字子文

漆雕子哆 子歛魯人

公西子赤 子華魯人

任子不齊 子選楚人

公良子儒 子正陳人

公肩子定 子中晉人

鄭子單 子家聊城人鄭音曉

罕父黑 子素兗州人

榮子旂 家語作子顏  
字子旂魯人

左人子郢 子行魯人

鄭子國 子徒兗州人

原子亢 子藉

廉子潔 子庸衛人

叔仲子會 子期魯人

公西子輿如 子上齊人



邾子巽 或作邾巽又作國選子歛魯人

陳子亢 子禽陳人

琴子張 子開衛人

步叔子乘 或作少叔子車魯人

秦子非 子之魯人

顏子噲 子聲魯人

顏子何 子冉魯人

縣子亶 子象

樂正子克

萬子章 以上五子俱雍正二年增祀

周子敦頤 茂叔宋道州人

程子顥 伯淳宋洛陽人

邵子雍 堯夫宋洛陽人巳上三子俱雍正二年升為先賢

西廡先賢三十八位

林子放 魯人雍正二年增祀

宓子不齊 子賤魯人

公冶子長 子長魯人家語名萇字與名同

公哲子哀 家語作克季次齊人

高子柴 子羔衛人

樊子須 子遲魯人



商子澤 子秀魯人

巫馬子施 子期陳人

顏子辛 或作柳又作韋字子柳魯人

曹子卹 子循蔡人

公孫子龍 子石楚人

秦子商 子丕魯人

顏子高 子驕魯人

壤駟子赤 子徒秦人

石作子蜀 子明成紀人

公夏子首 子乘魯人

后子處 子里齊人

奚子容蒧 子哲一云子楷蒧音

顏子祖 或作相子襄魯人

勾子井疆 子疆衛人

秦子祖 子南秦人

縣子成 子祺家語作子橫魯人

公祖子勾茲 子之魯人

燕子伋 子思兗州人

樂子欬 子聲魯人

狄子黑 子哲家語作哲之衛人



子忠 子茂至聖兄子

公西子歲 子尚魯人

顏子之僕 子叔魯人

施子之常 子恒魯人

申子棖 子續

左邱子明 魯人

秦子冉

牧子皮

公都子

公孫子丑 以上四子俱雍正二年增祀

張子載 子厚宋大梁人

程子願 正叔宋洛陽人二子俱雍正二年升為先賢

東廡先儒二十三位

穀梁子赤 元始周末人

伏子勝 不賤秦濟南人

后子蒼 近君漢鄒城人

董子仲舒 漢景州人

杜子子春 東漢偃師人

范子甯 武子晉鄆陵人

韓子愈 退之唐脩武人



范子仲淹

希文宋吳縣人康熙五十四年增祀

胡子瑗

翼之宋秦州人

楊子時

中立宋將樂人

羅子從彥

仲素宋南劍人

李子侗

愿中宋劍浦人

張子栻

敬夫宋綿竹人

黃子幹

直卿宋閩縣人雍正二年增祀

真子德秀

希元宋浦城人

何子基

子恭宋金華人

趙子復

仁甫宋德安人

吳子澄

幼清元崇仁人

許子謙

益之元金華人已上四子俱雍正二年增祀

王子守仁

伯安明餘姚人

薛子瑄

德温明河津人

羅子欽順

允升明泰和人

陸子隴其

稼書國朝平湖人二子俱雍正二年增祀

西廡先儒二十三位

公羊子高

周末臨淄人

孔子安國

至聖十一世孫

毛子萇

漢河間人



高堂子生 子伯漢充州人

鄭子康成 漢高密人

諸葛子亮 孔明漢瑯琊人二子  
俱雍正二年增祀

王子通 仲淹隋龍門人

司馬子光 君實宋涑水人

歐陽子修 永叔宋廬陵人

胡子安國 康侯宋崇安人

尹子焯 彥明宋洛陽人  
雍正二年增祀

呂子祖謙 伯恭宋婺州人

蔡子沈 仲默宋建陽人

陸子九淵 子靜宋金谿人

陳子淳 安卿宋龍溪人

魏子了翁 華甫宋金浦江人

王子栢 會之宋金華人

許子衡 仲平元河內人

金子履祥 吉甫元蘭溪人

陳子澔 可大元都昌人已上六  
子俱雍正二年增祀

陳子獻章 公甫明新會人

胡子居仁 叔心明餘干人

蔡子清 介夫明晉江人  
雍正二年增祀



崇聖王祠

王之歷代封號始於宋真宗封聖父叔梁紇爲齊國公元加封齊國公爲啓聖王先儒嘗言曾子子思顏子進於堂上而祀無繇點鯉於庭崇子抑父奚以爲訓謂宜別設一室以齊國公叔梁紇居中南面顏路曾皙孔鯉孟孫氏侑食然向未有行之者嘉靖九年改啓聖王爲啓聖公命各學校建啓聖祠爲祀以顏無繇曾點孔鯉孟孫氏配程珦朱松蔡元定從祀萬歷年間以周敦頤父周輔成從祀祭式先丁一日或同日先時國朝順治二年乃定同日致祭雍正元年仍尊王

自叔梁公以上至木金父公凡五代並追封爵

木金父公肇聖王

祈父公裕聖王

防叔公貽聖王

伯夏公昌聖王

叔梁公啓聖王更名祠爲崇聖二年增張橫渠父張廸於祠從祀

學祠

名宦祠

祀



宋江公望

知縣事

黃彥輝

縣丞

林廷彥

知縣事

陳珙

知縣事

黃瑀

知縣事

元盧琦

縣尹

明溫琇

知縣

杜任

知縣

葉珠

知縣

陳見龍

知縣

國朝范承謨

總督

李斯義

巡撫

金培生

布政使

沈涵

提學

蔡祚週

教諭

胡萬鎰

訓導

忠義祠

祀

元盧琦

縣尹

明呂嶽

訓導

國朝范承謨

總督

潘際昌

知縣

胡萬鎰

訓導

石侯祠

祀

國朝石如金

知縣

址併作學院行署

鄉賢祠

祀

唐盛均

刺史

宋顏橐

知州

陳一新

知邵武

陳知柔

知賀州

陳樸

安撫使

蔡茲

南恩守

莊夏

少師

留正

太師

黃豐

知興化

黃偉

少卿

王胄

通判

柯述

直龍圖

蘇升

林萬

知縣



明鄭莊彥

助教

陳嘉謨

學正

顏溥

知縣

顏廷桀

長史

李陽初

贈太僕卿

李應元

贈太僕卿

李開藻

太常寺卿

林次崖志論曰古者鄉先生沒則祭於社今祀鄉賢於學卽此意也然祀之於學則尤重矣蓋凡有功於聖門者始得從祀不從祀而祀之學其次也本朝薛文清公議者不與從祀止令祀之學夫道若文清可以從祀矣僅得祀於學則下於文清者可輕議哉宋黃灝云立祠於學者不以功德名位諸不在六藝之科者不在列不

知君臣父子夫婦朋友之義不知正心誠意修身謹獨之學者不在列噫鄉賢饗祀必如黃灝所定始可立脚聖門矣世之人欲崇高其祖考傍勢蚤緣濫登俎豆豈惟夫子門墻容身無所其受人之謗議抑豈少哉是欲崇高其祖考不知反累其祖考也是故鄉賢議祀在有司固不可不慎爲人子孫尤不可不自量云謹按宋人以王安石配享至坐對於顏子然未幾已革去若羣弟子自澹臺滅明以下春秋歷代諸儒自左邱明以下從祀兩廡蓋數千百年矣中間申



黨等十四人不宜從祀竟至我朝罷黜甚矣祀  
事之嚴而阿私僭淫無益也記曰先祖無美而  
稱之是誣也君子之愛人以德不以姑息明有  
司秉禮度義慎無輕議祀哉

泮額

廩膳生員三十名增廣生員三十名附學生員歲  
科兩次舊額每次取十二名乾隆四年知州杜  
昌丁詳請照州制增額取十八名武生舊額十  
二名今增至十五名

學田

學田原額二十九畝載租二十三石八斗二升  
熙二十一年總督姚啓聖捐置田七畝九分知

縣鄭功勳捐置田三畝四分教諭蔡祚週捐置

田一畝八分零三頃共載租五十二石六斗

學先未有田知縣柴鑣以舊學地官田給授里  
人顏溥鄭莊彥顏時靜入金充徒學費後知縣  
羅汝涇復遷學於官田市仍以白地基還之  
溥與莊彥男應科時靜孫廷榮不受歸之官得  
田園二十四畝零復於官田學西隙地墾園七  
十畝學地基并泮池地得租二十石又增入沒  
官隱匿田二十二畝零今此數項僅存  
官田市租六兩四錢解司給發貧士

書院社學

文公書院 在學宮左舊在十四都留灣明嘉靖



永春州志 卷之四  
三年知縣柴鏞建中爲正堂祀朱子後爲講堂  
兩翼建樓二左曰識風右曰同月四十四一年燬  
於寇續建於州治東北隅

國朝順治三年復燬康熙二十三年知縣鄭功勳  
教諭蔡祚週遷於州治之東卽今所正室三中  
奉朱子像後爲學舍四前爲魁星樓文昌閣乾  
隆十二年知州杜昌丁建講堂三間兩廡學舍  
四間延師集生徒肄業其間捐銀四十三兩七  
錢零置田三畝一分零並西壩新墾地租爲師  
生膏伙之資二十一年署知州鄭國望又增學

舍六間三十二年知州嘉謨以其中講堂改建  
明倫堂并移附兩學署於後

正音書院 在文公祠內乾隆元年奉

旨設正音一人以鄰省候選教諭曉官音者爲之時  
委浙江儒居縣貢生鄭先行主之歲給廩俸乾  
隆三年停止

梅峯書院 在梅峯之麓乾隆三十一年知州嘉

謨建并籌經費永爲膏火之資

督學王杰有記

一田租濕穀一萬四千七百九十七觔折實穀  
一萬一千八百三十八觔計倉穀一百石六

斗二升三合

一武廟前店租銀六兩



一沙埔稅銀八兩三錢八分八釐  
 一育嬰堂房稅銀九兩六錢  
 一當商領生息銀一千六百八十四兩六錢四分  
 分一釐每年收息銀三百零三兩二錢三分  
 五釐  
 三毫

文興社學 在城隍廟左

雲龍社學 在雲龍橋南

紫陽社學 在坊東北隅

迎暉社學 在永暉門外

西門社學 在二十五都西門街

儒林社學 在官田舊學儒林坊

上場社學 在二十三都上場村

龜龍社學 在十九都龜龍橋

壽峯社學 在十二都小姑鄭坂

長安社學 在十一都小姑

文章社學 在十一都小姑

蓬湖社學 在七都

西陵社學 在十一都小姑之西北隅

五峯社學 在十一都小姑之東北隅

射圃

射圃舊在白馬山儒林之東嘉靖三十一年知縣

羅汝涇復遷學於官田舊址以學基曠地為射



圃建觀德亭

釋汝溼有記今廢

以上所載皆屬學宮規制其春秋祭典等例則照通志另載典禮志中不復入此

德化縣學

在縣治西北大洋山之陽宋時在縣治

東後遷于縣東南隅沙坂建炎中復遷于縣治東後屢燬屢建其建者知縣事顏敏德鄭旦之梁京李元才林綺黃之望葉彥琰胡應梅吳一鳴後復燬於兵元至元至正間縣尹翟彬沈思蘊達魯花赤千奴教諭林天資推官蔡嗣宗相繼重建明知縣王巽王貞應履平何復陳昱狄鍾胡潛許仁訓

導張泮教諭秦璿知縣熊堯緒東山張大綱何謙繼建及隆慶元年知縣秦霑始移建今所

大成殿櫺星門泮池明倫堂啓聖祠名宦鄉賢祠尊經閣朱文公祠教諭訓導署規制俱備後知縣吳一麟周祐桂振宇李元龍教諭郭凝重修

國朝順治四年寇燬無餘八年知縣孫白孫何之旭相繼營建康熙十年知縣和鹽鼎建儀門及啓聖祠以儀門東爲名宦祠西爲鄉賢祠訓導林甲繼之建兩廡及櫺星門自後教諭王欽祖薛允浩知縣王調元先後修建康熙五十五年教諭力子侗



修正殿兩廡儀門啓聖祠五十七年知縣熊良輔  
建櫺星門造照牆雍正八年知縣稽岳延重建明  
倫堂九年知縣齊宗望黃南春相繼成之十一年  
黃南春建儀門修大門乾隆三年重修學宮六年  
重修 崇聖祠九年知縣魯鼎梅重修大門

學祠

名宦祠 祀

宋陳 靖 知縣事

明王 巽 知縣 馮 翼 知縣

余 表 縣丞 古彥輝 主簿

應履平 知縣 熊 洽 副使

胡惟立 知縣

國朝 范承謨 總督

姚啓聖 總督

金培生 布政使

鄉賢祠 祀

唐顏仁郁 歸德場長

宋林 程 贈朝請郎 蘇 欽 判官

鄭 輪 知州

明凌 輝 副使 林 茂 知州

鄒 絢 知縣

單 輔 通判 郭 琛 推官

鄭 沛 主事

賴孔教 訓導 賴 燦 知縣

忠義孝弟祠 祀

宋張興渭



明王三聘

國朝徐觀甫

本名瑾

泮額

廩膳生員二十名增廣生員二十名附學生員歲科兩次每次取一十二名武生舊額八名知州杜昌丁詳請增至十二名

學田

學田舊額一十二畝以後又置七十四畝每年徵銀一十一兩零乾隆四年奉文給社師又八十七畝零又六十九畝零又租一千八百觔康

熙二十二年奉文撥給廩生貧生又田租

一兩一錢又康熙二十二年總督姚啓聖捐置田九畝零又知縣王之紀捐置田三畝二分零教諭鄭默捐置田一畝一分零收租穀分給貧生又邑人鄭仲璞捐田租六百觔每歲收貯太比年給助科舉生員盤費又地租銀二兩二錢每歲收存幫貼文武兩闈學師送試盤費

書院社學

圖南書院 在解阜門內

國朝康熙二十八年知縣范正輅建正廳大門書舍



六間雍正八年訓導王方英建書舍七間乾隆九年知縣魯鼎梅建中堂儀門書舍十八間

雲龍書院 在瑤市社乾隆十一年知縣魯鼎梅教諭曾晉訓導蕭國琦建

紫陽書院 在上市明嘉靖七年知縣許仁建今廢

丁溪書院 在山川壇左明嘉靖二十六年知縣緒東山建今廢

龍潯書院 在龍潯山麓明嘉靖四十年知縣張大綱建今廢

正音書院 在鳳翥山麓雍正七年設立今廢

大卿社學 在縣南張墩鄉

良太社學 在宏詞鄉前

濟川社學 在英山社

南洋社學 在新化里中

朱紫社學 在清泰里

梅峯社學 在梅中里

三峯社學 在梅上里

桂林社學 在東西團貴湖里

萬峯社學 在湯泉里桂林坊



伏虎社學 在湯泉里

瑞科社學 在小尤中

大田縣學 在縣治左鳳山之麓中為

大成殿東西為廡前為廟門門左右為鄉賢名宦祠  
前為櫺星門左為明倫堂東西為進德修業二齋  
齋南北學舍二十五植前為月臺甬道儀門門右  
為敬一亭前為泮池明嘉靖二十一年延平府推  
官胡椿立學門造泮池橋天開文運坊二十三年  
知縣謝廷訓建啓聖祠仰聖興賢坊二十五年遷  
祠於廟之北萬歷間知縣江柱建尊經閣知縣諸

大木重修

國朝順治初燬於寇康熙二十三年知縣葉振甲重  
建三十七年知縣余光焯建左右讚亭後知縣周  
卜世俞兆岳曾建標相繼修建雍正八年知縣李  
業重修乾隆十七年知縣徐有經倡捐大修廟學  
俱新

學祠

文昌閣

名宦祠 祀

明李應斗 知縣

曾師世 知縣

唐文傑 知縣



俞喬 知縣 謝與思 知縣

國朝范承謨 總督 李斯義 巡撫 沈涵 督學

金培生 布政使

鄉賢祠 祀

明田瑄 雲南副使 田一儁 禮部侍郎

忠義祠 祀

明田頊 田一儁 郭奇逢

田濡 郭祖銀 陳輝世

郭居敬 劉世纓 郭延壽

劉趙珪 連顯 陳永居

劉趙珍 陳啓 蕭軒一

張曉 林京四 林長成

林齊四 陳斌三 陳斌七

謝旻 蔣倫 郭仁顯

魏光輝 陳世英 蔣仁良

蔣仲實 蔣瑞 廖曲面

陳誠

泮額

廩膳生員二十名增廣生員二十名附學生員歲科兩次舊額每次取八名後增至十二名武生



舊額八名增至十二名

學田

學田舊額五十七畝四分零順治十三年裁充兵

餉解司康熙二十二年奉文歸學贍給廩生

貧生又二十一年總督姚啓聖捐置學田四畝

四分零年徵租穀十石存學以給貧士

知縣葉振甲立

碑學宮

書院社學

崇文書院 在縣治西北內祀楊羅李朱四先賢

康熙四十二年知縣李蘭英建乾隆二年知縣

葉拱十七年知縣徐有經相繼修建

正音書院 在城西察院舊址雍正七年設立今

廢

鎮東橋社學

北門社學

聚賢里社學

二十五都社學

鷺峯寺社學

桃源社學

二社學俱雍正二年新設



永春州志卷之五

典禮志

經國化民禮教爲大夫禮有行於朝廷焉有行於壇廟焉有行於學校與郊野焉冠服佩帶以文之俎豆笙簧以將之登降拜俯伏興以節之皆所以作其肅敬而無敢或慢也惟無敢或慢故以之事上而上鑒以之祀神而神享以之順時興事而無之不感動此禮之所以爲貴也我國家禮明樂備頒於中外令典昭然凡爲官吏惟本其忠信之心奉而行之將見有孚顒若出於



身者容止可觀而示於民者風化以起矣作典  
禮志

慶賀

萬壽聖節

前期三日正官率屬齋沐朝服迎

龍亭行三跪九叩禮每日昧爽各官朝服分東西坐

班本日各官朝服入司班唱序班樂作贊禮生

唱跪叩首行三跪九叩禮興平身樂止贊禮生

引正官出班詣香案前祝

聖復班再行三跪九叩禮如前坐班後三日各官俱

朝服坐班禮畢于大門外送

龍亭出散班

千秋令節前後各一日各官朝服坐班本日具朝服

叩賀儀同

聖壽

元旦冬至俱先一日各官具朝服迎

龍亭本日祝

聖儀同  
上

接

詔



凡恭奉

詔書所至地方官員具

龍亭絲輿儀仗鼓樂出郭迎接朝使下馬捧  
詔書置

龍亭中南向朝使立於亭東地方官員具朝服北向  
跪迎鼓樂前導朝使上馬同各官隨亭後行至  
明倫堂

龍亭擡放堂上文武各官分東西序立朝使東立西  
向贊禮生贊排班地方官員排班樂作行三跪  
九叩首禮朝使奉

詔書授展讀官展讀官跪受詣開讀案前宣讀衆官皆  
跪宣讀畢展讀官捧

詔書授朝使朝使捧置

龍亭中衆官行三跪九叩首禮畢皆退朝使復將

詔書捧交正印官膳黃頒行文武各衙門

鄉約講讀

聖諭

順治九年頒行

上諭六條臥碑文於八旗直隸各省十六年議准譯  
書



上諭令五城各設公所擇善講人員講解開諭以廣教化直省府州縣亦皆舉行鄉約該城司及各地方官責成鄉約人等於每月朔望日聚集公所宣講

康熙九年

上諭十六條通行曉諭八旗佐領并直隸各省督撫轉行府州縣鄉村人等切實遵行

- 一敦孝弟以重人倫
- 一篤宗族以昭雍睦
- 一和鄉黨以息爭訟
- 一重農桑以足衣食
- 一尚節儉以惜財用
- 一隆學校以端士習

- 一黜異端以崇正學
- 一講法律以儆愚民
- 一明禮讓以厚風俗
- 一務本業以定民志
- 一訓子弟以禁非爲
- 一息誣告以全良善
- 一誠窩逃以免株連
- 一完錢糧以省催科
- 一聯保甲以弭盜賊
- 一解讐忿以重身命

雍正元年

欽定

聖諭廣訓十六章共計萬言刊刻頒行分發府州縣鄉村令生童誦讀每月朔望地方官聚集公所逐條宣講兵民皆得恭聽



迎春

土牛式

土牛胎骨用桑柘木身高四尺按四時長三尺六

寸按三百六十日頭至尾長八尺按八節尾長一尺二寸

按十月鞭用柳枝長二尺四寸按二十四氣牛色以本

年為法頭角耳用本年天干身用本年地支蹄

尾肚用納音天干甲乙屬木色青丙丁屬火色紅戊巳屬土色黃庚辛屬金色白

壬癸屬水色黑地支亥子屬水色黑寅卯屬木色青巳午屬火色紅申酉屬金色白辰戌丑未

屬土色黃納音如甲子年立春納音屬金用白色餘做此以立春日日干為

籠頭色說見上构用桑柘木索孟日用麻謂寅申巳亥日

仲日用苧謂子午卯酉日季日用絲謂辰戌丑未日造牛以冬

至節後辰日於歲德方取水土甲年東方甲位乙年西方庚位

丙年南方丙位丁年北方壬位戊年東南方戌位巳年東方甲位庚年西方庚位辛年南方丙

位壬年北方壬位癸年東南方戌位

芒神式

芒神身高三尺六寸按一年三百六十日服色用立春日

支辰受尅為衣色尅衣辰為繫腰色如立春日屬水衣

取土尅水用黃色繫腰取木尅土用青色餘日做此頭髻用立春日納音

為法金日平梳兩髻在耳前木日平梳兩髻在耳後水日平梳兩髻在耳後左

耳前火日平梳兩髻右髻在耳前左髻在耳後土日平梳兩髻在頂直上卷耳用立



春時為法 從卯至戌八時 從耳用手提 陽時左手提陰時右手提 從亥至寅四時 從右邊亥時揭從右邊子丑二時全戴蓋寅亥時為通氣故揭一邊子丑時為嚴凝

故全戴 鞋袴行纏以立春納音為法 逢金木

鞋袴金行纏左闕懸在腰左木行纏右闕繫在腰右水日俱全火日俱無土日著袴無行纏鞋

子老少以立春年為法 寅申巳亥老子午卯酉壯辰戌丑未幼

儀注

有司預期望造春牛并芒神於東郊外春牛亭

立春前一日州縣率屬俱穿蟒袍補服至春牛

亭通贊導至拜位 唱 就位 各官俱 上香鞠躬拜

興拜與初獻爵再獻爵三獻爵讀祝文維年月

日某官某致祭於

句芒之神日寒氣將除春陽已屆轉移歲序

神之為爰將事於東郊以致迎夫淑氣備茲酒

菓用薦虔誠尚 饗讀畢通贊又贊兩拜禮畢

簪花 各官俱 上席酒三巡屬官先行長官次之

春牛隨後迎至州縣頭門外土牛南向芒神西

向

鞭春

本日清晨備牲醴菓品州縣率屬俱朝服通贊

導至拜位 唱 就位鞠躬拜興拜與初獻爵再獻



爵三獻爵讀祝文維年月日某官某致祭於

句芒之神曰盛德在木太皞所司維 神佐之首敷

歲序當春生之既動宜催致以效功牲醴在供

用伸虔獻尚 饗讀畢通贊又贊兩拜興導至

土牛前各官俱執綵仗排立兩傍通贊贊長官

擊鼓凡三遂播鼓鼓手贊鞭春各官擊牛者三

揖平身通贊導至芒神前揖平身禮畢

耕藉

東郊壇後正房三間配房各一間正房中間供

奉

先農神牌東間收貯祭器農具西間收貯耕田米穀

配房東間置辦祭品西間令看守農民居堡壇

廟藉田之外周圍築土為牆開門南向

耕藉日期

每年十月初一禮部頒時憲書預擇日期奏

聞行文各省督撫轉飭所屬同日一體遵行前期致

齋二日

祭品

帛一青羊一 豕一 劊一 簋二 簋二

籩四 豆四



器具

農具赤色牛黑色耔種箱青色所盛耔糧照本省土宜擇勤謹農夫二名

儀注

祭日正印官率所屬俱穿朝服到壇通贊生導

詣盥洗所盥手淨巾畢通贊唱執事者各司其

事主祭官就位就拜位陪祭官各就位瘞毛血迎

神通贊生導主祭官陞壇就位就神前位唱上香

通贊唱跪陪祭官皆跪行三叩禮興復位復拜位

安神行三跪九叩禮興行初獻禮通贊唱詣酒

尊所主祭官詣酒尊所通贊唱司尊者舉

酒詣

先農神位前就位跪通贊唱陪祭官皆跪獻帛獻

叩首興詣讀祝位跪讀祝文曰維年月日某官

某致祭於

先農之神曰維神肇興稼穡粒我蒸民頌思文之

德克配彼天念率育之功陳常時夏茲當東作

敢忘勞民謹奉彝章聿修祀事惟願五風十雨

嘉祥咸沐於神庶幾九穗雙岐上瑞頻書於

大有尚饗讀畢三叩首興復位行亞獻禮終



永春州志 卷之五  
獻禮皆如儀徹饌送神行三跪九叩禮興讀祝者捧祝司帛者捧帛通贊生導詣燎所焚祝帛復位一揖禮畢

午時行耕藉禮正印官併所屬俱換蟒袍補服正印官秉耒佐貳執青箱播種行耕時耆老人牽牛農夫二人扶犁九推九返農夫終畝耕畢各官率屬暨耆老農夫望

闕謝

恩行三跪九叩首禮

祭社稷

凡社稷壇在郊之北春秋二祭俱用仲月上戊日主祭官祭前三日齋戒將祭之前一日省牲治祭物潔籩豆掃除壇上下及設幕次中門外

是夕獻官以下俱夙興執事者陳

下就幕次宿本日獻官以下俱夙興執事者陳

設其壇坐南向北設社位於稷之東設稷位於社之西每位羊一豕一籩四盛棗栗形鹽薹魚

豆四盛韭菹青菹醢醢鹿醢簋二盛黍稷簋二

盛稻梁鉶一盛和羹帛一獻官具祭服執事者

捧祝版至幕次僉名

僉畢捧置案上

取毛血盤置神位

前牲案下實酒於尊加窶置水於盆加帨焚香



燃燭明炬通贊唱 執事者各就位陪祭官各就

位獻官就位通贊唱 瘞毛血執事者以毛血瘞

於坎通贊唱 迎神跪叩首叩首叩首興平身又

行初獻禮引贊贊 詣盥洗所執事酌水進巾贊

詣酒尊所司尊者舉罍酌酒贊 詣社神位前贊

奠帛贊 俯伏興平身贊 詣稷神位前儀同 贊詣

讀祝位贊 跪贊 衆官皆跪贊 讀祝 維年月日

某官某致祭於

社稷之神曰維 神奠安九土粒食萬邦分五色以

表封圻育三農而蕃稼穡恭承守土肅展明禋

時屆仲秋春 敬修祀典庶九九松栢鞏磐石於

疆翼翼黍苗佐神倉於不匱尚享讀畢通贊唱

俯伏興平身唱 復位通贊唱 行亞獻禮儀同 初

奠帛不 通贊唱 行終獻禮儀同 通贊唱 飲福受

胙執事者設飲福位先於社位前割取羊左脚

置於盤及於酒尊所酌酒於爵同立於飲福位

之右以俟引贊引獻官詣飲福位贊 跪贊 飲福

酒贊 受胙贊 俯伏興平身通贊唱 復位唱 跪叩

首叩首叩首興平身通贊唱 徹饌唱 送神唱 跪

叩首叩首叩首興平身通贊唱 讀祝者捧祝進



帛者捧帛各詣瘞所獻官陪祭官離位分東西  
班立通贊唱望瘞引贊贊詣望瘞位執事者以

帛焚於坎中焚畢以土實坎通贊唱禮畢

祭山川風雲雷雨  
城隍附

凡山川壇在郊之南通祀風雲雷雨山川城隍

之神每春秋二祭俱於仲月上旬擇日行禮今郡

縣多用王祭官前三日齋戒前一日省牲治祭

物俱如社稷儀其壇坐北向南執事者掃除壇

上下設各官幕次於壇中門外是夕各官  
宿幕次設風

雲雷雨位於壇正中設山川位居左城隍位居

右祭之日獻官以下夙興執事者設風雲雷雨

位帛四山川位帛二城隍位帛一每位各羊一

豕一鉶一籩四豆四簋二簋二陳設俱與社稷

同獻官具祭物僉祝版執事者實酒於尊加嘉

置水於盥施帨焚香燃燭明炬通贊唱執事者

各就位陪祭官各就位獻官就位執事者先以

毛血瘞於坎通贊唱迎神跪叩首叩首叩首興

平身引贊引獻官詣盥洗所次詣酒尊所次詣

風雲雷雨神位前先奠帛  
次獻爵次詣山川神位前次

詣城隍神位前俱奠獻  
如儀次詣讀祝位在風雲雷



雨神位前次復位亞獻終獻同前但不唱奠次  
飲福受胙次徹饌次送神次望燎俱如社稷儀

望燎

祝文 維年月日某官某致祭於

風雲雷雨山川城隍之神曰維 神贊襄天澤福佑

蒼黎佐靈化以流形生成永賴乘氣機而鼓盪

和肅攸宜磅礴高深長保安貞之吉馮依鞏固

實資捍禦之功幸民俗之殷盈仰神明之庇護

恭修歲祀正值良辰敬潔豆籩祇陳牲帛尚享

雩祭

祭期前一日 禮生 引主祭官至省牲所省牲 禮

生 接毛血供香案前行一跪三叩禮禮畢退

正祭日陳設祭品等物黎明各官俱至壇着朝

服主祭官簽祝文畢起鼓 禮生 引主祭官詣盥

洗所盥畢引至行禮處立 通唱 執事者各司其

事主祭官就位陪祭官各就位瘞毛血迎神 引

贊 引主祭官至香案前立 捧香生 跪進主祭官

受香拱舉授 接香生 炷香爐內畢 贊 叩首興復

位主祭官陪祭官俱行三跪九叩首禮興 通唱

行初獻禮 贊 詣



社稷先農山川神位前立贊跪叩首奠帛捧帛生跪

進主祭官受帛拱舉授接帛生獻贊獻爵執爵

生跪進主祭官受爵拱舉授接爵生獻畢贊叩

首興贊詣讀祝位主祭官詣讀祝位立讀祝生

至祝案前捧祝版立於案右贊跪主祭官陪祭

官讀祝生俱跪贊讀祝文祝曰維年月日某官

某致祭於

社稷先農山川之神曰恭膺

詔命撫育羣黎仰體

彤廷保赤之誠勤農勸稼俯惟蔀屋資生之本力穡

服田令甲爰頒肅舉祈年之典惟寅將事用白

守土之忱黍稷惟馨尚冀明昭之受賜來牟

育庶俾豐裕於蓋藏尚饗讀畢捧祝版仍供

案上贊行三叩首禮各官俱隨行禮興復位通

唱行亞獻禮如初儀不讀祝復位通唱行終獻

禮如初儀復位通唱飲福受胙贊主祭官詣飲

福位贊跪飲福酒主祭官授爵拱舉授接爵生

贊受胙主祭官受胙拱舉授接胙生贊叩首主

祭官行三叩首禮各官不隨叩復位通唱徹饌

送神贊跪主祭官陪祭官俱行三跪九叩首禮

永春州志

卷之五

典禮志

三



興通唱讀祝者捧祝執帛者捧帛各詣燎位通

唱望燎禮生引主祭官詣望燎位立祝帛焚半

贊禮畢退班

救護

凡日月薄蝕欽天監推算分秒及圓復時刻頒行各省轉行各府州縣行救護禮護日各官在正印官衙門救護前一日潔除大堂及儀門設香案於露臺上設金鼓於儀門內兩旁設樂人於露臺下設各官拜位於露臺上下俱向日傳集僧道至期陰陽官報日初食各官具素服通

贊唱排班班齊唱跪叩樂作各官行三跪九叩

首禮畢樂止班首官上香畢通贊唱跪各官俱

跪班首官擊鼓三聲衆鼓齊鳴再上香樂作各

官俱暫起立陰陽官報食甚食及所推分抄各官仍排

班樂作行三跪九叩首禮如前儀陰陽官報復

圓鼓聲止通贊唱跪叩樂作各官又行三跪九

叩首禮樂止禮畢月食救護儀同

祀

先師

春秋二祭月用仲日用上丁月用仲取時之正也日用上丁取文



明之象也

### 齋戒

祭前三日獻官陪祭官及執事者皆沐浴更衣散齋二日各宿別室致齋一日同宿齋所散齋仍理庶務惟不飲酒不茹葷謂葱韭葫薤蒜不弔喪不問疾不聽樂不行刑不判署刑殺文字不與穢惡事致齋惟理祭事

### 省牲

祭前一日執事者設香案於牲房外獻官常服贊者唱詣省牲所唱省牲牛羊豕鹿兔省之謂看牲數有無齊足

體有無肥臙毛色有無純正

省畢

省牲畢乃退

### 宰牲

凡宰牲必取血以告殺取毛以告純以盆盛毛血少許

### 視祭器

牲匣 登 鉶 籩 豆 簠 簋 篚 爵  
尊勺 簾巾 盥洗尊 盆 勺 帨 香案 香爐  
香合 牲盤 祝版 燭龍

### 治祭物

太羹 和羹 黍 稷 稻 梁



形鹽 藁魚 棗栗榛 菱芡 韭菹

醢醢 菁菹 鹿脯 鹿醢 兔醢 芹菹

筍 魚醢 白餅 黑餅 糗餌 粉飧

飧食 糝食 帛

陳設

文廟正殿

制帛端一 白磁爵三 牛一 豕一 羊一

登一 鉶二 簋二 簋二 籩十 豆十

酒尊一 香燭

四配每位

制帛端一 白磁爵三 豕一 羊一 鉶一

簋二 簋二 籩八 豆八 酒尊一 香

燭

東哲

制帛端一 白磁爵各一 豕一 鉶各一

簋各一 簋各一 籩各四 豆各四

豕首一 香燭

西哲與東哲同

東廡

制帛端一 銅爵各一 豕三 每案簋一



簋一 籩四 豆四 香 燭

西廡與東廡同

崇聖王祠

案五

制帛

端五

白磁爵各三 羊各一 豕各一

銅各二

簋各二 籩各二 簋各八

豆各八

酒各一尊 香 燭

四配

每位一案

制帛

端二

豕首一 銅爵各三 簋一

簋一

籩四 豆四 豕肉一方 香 燭

兩廡

制帛

端二

銅爵各三

簋一 籩一

豆四 豕肉一方 香 燭

設酒尊所盥洗所於丹墀之東南

尊實酒施寒盥置水施帳

各有司之者 設埋瘞所於廟之西北丹墀東西及露

臺上各設炬兩廡長廊各設燈

祭

崇聖祠儀注

凡祭

文廟必先

崇聖祠夜四鼓與祭畢集祠中鼓一通

陳設備具 鼓再通



庭燎 鼓三通 引贊各引 通贊 唱 執事者各司其

事 唱 分獻官就位 唱 正獻官就位 唱 瘞毛血 執

捧毛血出正祀由 通贊 唱 迎神引贊 贊 跪叩首

獻官行三跪九叩首禮與平身通贊 唱 捧帛 捧

者正祀由中門入配祀由 唱奠帛行初獻禮引

贊 贊 請盥洗所 獻官盥 唱請酒尊所司尊者舉

冪酌酒 執事者注酒於爵捧爵者在正官前行

前位 引贊導獻官進殿左門 贊 請

肇聖王神位前 贊 跪獻官行一跪一叩首禮與平身

唱 奠帛 獻官接帛拱舉立獻畢執事跪接帛引

贊 贊 獻爵 獻官接爵拱舉立獻畢執 引贊

獻官行一跪一叩首禮與平身引贊 贊 請

肇聖王神位前 贊 跪 如前 贊請

詒聖王神位前 贊 跪 如前 贊請

昌聖王神位前 贊 跪 如前 贊請

啓聖王神位前 贊 跪 如前 贊請讀祝位 獻官至 唱跪

通贊 唱 衆官皆跪 唱 讀祝文 讀祝者取 祝曰維

年月日某官某敢昭告於

肇聖王 裕聖王 詒聖王 昌聖王 啓聖王 孔

氏之神曰維 王奕葉鍾祥光開聖緒盛德之



後積久彌昌凡聲教所覃敷率循源而溯本宜

肅明禋之典用申守土之忱茲屆仲春聿修祀

事以 先賢顏氏 先賢曾氏 先賢孔氏

先賢孟孫氏配尚 饗讀畢捧祝版跪安案上

帛盒內通贊唱叩首獻官行三叩首禮與平身

引贊贊詣東配

先賢顏氏神位前贊跪贊奠帛贊獻爵叩與平身

如儀贊詣西配

先賢曾氏神位前贊跪如儀贊詣東配

先賢孔氏神位前贊跪如儀贊詣西配

先賢孟孫氏神位前贊跪如儀贊復位引獻官從西

位朝通贊唱行分獻禮引贊引分獻官至

先儒周氏神位前贊跪贊奠帛贊獻爵叩與平身

如儀贊詣

先儒張氏神位前贊跪如儀贊詣

先儒程氏神位前贊跪如儀贊詣

先儒蔡氏神位前贊跪如儀贊復位引分獻官從西

朝上通贊唱行亞獻禮引贊引獻官從東角

詣酒尊所司尊者舉冪酌酒先詣

肇聖王次 裕聖王次 詒聖王次 昌聖王次

永春州志 卷之五 典禮志 九



啓聖王次

配位

儀同初獻但不奠帛不讀祀

復位通贊

唱行終

獻禮

儀同亞獻

通贊

唱

飲福受胙引贊

贊

詣飲福受

胙位

位在讀祝所進福酒者捧爵進胙者捧盤立於讀祝案之東又二執事立於案之西

引贊

贊

跪飲福酒

東執事捧福酒跪進於案上西執事跪接爵置於案上

引贊

贊

受胙

東執事取羊肩置盤上跪進於獻官受胙訖西執事跪接由中

出

門捧

引贊

贊

叩首與平身復位通贊

唱

跪叩首

獻官行三跪九叩首禮

衆官皆同

與平身通贊

唱

徹

饌

執事者各於神案前品物畧移動

通贊

唱

送神引贊

贊

跪叩

首獻官行三跪九叩首禮與平身通贊

唱

讀祝

者捧祝司帛者捧帛詣瘞所

執事捧帛捧祝正祀由中門出配祀

由邊門出

唱詣望瘞位引贊引獻官各詣望瘞位

望瘞

贊

焚祝帛引贊

贊

復位禮畢

祭

至聖先師儀注

祭 崇聖祠畢

文廟中鼓初嚴殿上兩廡諸

執事者各燃燭焚香丹墀及露臺上皆明炬各

官具朝服鼓再嚴歌生樂舞生各序立丹墀兩

邊鼓三嚴各執事者薦羹及啓牲匣蓋以湯澆

牲體使氣上升各引贊引各獻官至戟門下北

面立通贊

唱

樂舞生各就位

樂生隨司麾者入殿內各就所執樂



位舞生各隨司節者就上露臺通贊唱執事者各

分東西班立司節者就西立通贊唱司其事司各瘞毛血者通贊

唱陪祭官各就位分照官銜品級就拜位康熙

總以上皆得入廟陪祭分獻官各就位正獻官就位隨引

拜唱瘞毛血執事者捧毛血正祀由中門四配

於通贊唱迎神麾生舉麾唱樂奏咸平之章樂

舞生執通贊唱跪叩首正獻分獻陪祭俱行三

跪九叩首禮興平身麾生偃麾櫟梧通贊唱捧

帛執事者各捧帛盤正祀由中門進配哲由左

旁唱行初獻禮引贊二人導贊詣盥洗所獻官

立贊詣酒尊所司尊者舉竊酌酒於爵捧

在獻官前行正祀由中門入餘由引贊贊詣

左門入詣各神位前鞠躬旁立贊贊詣

至聖先師孔子神位前獻官隨引贊由左偏門麾生

舉麾唱樂奏寧平之章擊柷作樂舞引贊贊跪

隨作樂贊奠帛捧帛者西跪進帛獻官拱贊獻

隨行禮贊奠帛舉執事者接置神案上贊贊

爵司爵者西跪進爵獻官拱贊叩首興平身贊

詣讀祝位獻官至唱跪通贊唱衆官皆跪唱讀

祝文讀祝者取祝曰祝版跪讀

維年月日正獻官某分獻官某敢昭告於

至聖先師孔子之神曰維師德隆千聖道冠百王

永春州志



揭日月以常行自生民所未有屬

聖教昌明之會正禮樂和節之時辟雍鐘鼓咸恪薦

夫馨香泮水鸞旂益致嚴於籩豆茲當春秋仲祇

率彝章肅展微忱聿將祀典以復聖顏子

宗聖曾子述聖子思子亞聖孟子配尚

饗讀畢麾生舉麾樂續作初讀祝時麾生偃麾樂暫止至是接奏未

終之典讀祝者將通贊唱叩首獻官行三叩首

禮興平身引贊唱詣

復聖顏子神位前贊跪贊奠帛贊獻爵俱如正唱

叩首與平身贊詣

宗聖曾子神位前贊跪如前贊詣

述聖子思子神位前贊跪如前通贊唱行分獻

另有引贊各引分獻官或於東哲或於西哲或於東廡或於西廡俱如正祀之儀引贊贊詣

亞聖孟子神位前贊跪如前贊復位麾生偃麾櫟

止樂引贊引獻官及分獻官由西角門出復於原位朝上立通贊唱行亞獻

禮俱如前儀惟不盥洗麾生舉麾唱樂奏安平

之章擊祝作樂舞獻畢唱復位麾生偃麾如前

通贊唱行終獻禮如亞麾生舉麾唱樂奏景平

之章擊祝作樂舞獻畢唱復位麾生偃麾如前



通贊唱飲福受胙引贊贊跪飲福酒東執事進爵獻官飲

訖西執事接贊受胙東執事進胙獻官受訖置神案上西執事接胙由中門出贊

叩首興平身復位通贊唱跪叩首正獻分獻陪

祭各官俱行三跪九叩首禮興平身通贊唱徹

饌麾生舉麾唱樂奏咸平之章樂作舞止徹將神案上

品物畧通贊唱送神麾生舉麾唱樂奏咸平之

章樂作舞止引贊贊跪叩首正獻分獻陪祭各官俱

行三跪九叩首禮興平身麾生偃麾如前儀通贊

唱讀祝者捧祝司帛者捧帛各詣瘞所正祀由中門左

右配哲由左右門兩唱詣望瘞位各獻官詣瘞位麾生

舉麾唱樂奏咸平之章有樂無舞樂章同送神唱望瘞唱

焚祝帛唱復位麾生偃麾樂止通贊引贊同禮畢

各官俱朝上一揖退次祭

朱文公祠物品帛一 羊一 豕一 簋一

簋一 籩四 豆四

其盥瘞奠獻俱如儀迎神送神行一跪三叩首

禮 祝文 維年月日某官某致祭于

先賢徽國公朱子之神曰惟 公道宗鄒魯學繼濂

洛註述六經啓發萬世今茲仲春謹以牲帛醴

齊粢盛庶品用伸虔登尚 饗



名宦祠

品物儀注如前

祝曰惟

公善教淑士善政惠民

功在當時澤流後人感念不置俎豆常新今茲

仲春秋謹以牲帛醴齊用伸耑薦尚饗

鄉賢祠

品物儀注如前

祝曰惟

公博學宏才德隆望重

樹績于國著名于時隱顯不同咸歸于道今茲

仲春秋謹以牲帛醴齊用伸耑薦尚饗

忠義孝弟祠

品物儀注如前

祝曰惟

靈稟賦貞純躬行

篤實忠誠奮發貫金石而不渝義問宜昭表鄉

間而共式祇事懋彝倫之大性摯莪蒿克恭念

天顯之親情殷棣萼楷模咸推夫懿德

給恩特闡其幽光祠宇維隆歲時式祀用陳尊簋來

格几筵尚饗

節孝祠

品物儀注如前

祝曰惟

靈純心皎潔令德柔嘉

矢志完貞全閨中之亮節竭誠致敬彰閭內之

芳型茹冰蘖而彌堅清操自勵奉盤匱而匪懈

篤孝傳徽

絲綸特沛乎殊恩祠宇昭垂于令典祇循歲祀式薦

尊醪尚饗

文昌閣

品物儀注如前

祝曰惟

神權衡桂籍文章司命

時當仲春秋牲醴伸敬凡我多士賴其有成尚饗



陳設之圖 凡祭品為時地所無者以相當之物代之餘俱倣此

榛 菱 芡 麩 麩

蠶 鱉 棗 栗

翼

爵 黍 稷 羊 燭

崇聖祠正位 帛 爵 香爐

爵 稻 梁 豕 燭

翼

鬯 醢 薑 鹿醢

菹 醢 簋 醢

崇聖祠配位 帛 爵 栗 麩  
爵 黍 棗 燭  
爵 稷 香 燭  
爵 黍 香 燭

蓋 麩 蓋 麩

兩廡減豕首一餘俱同



文廟正位

帛

爵

翼

黍

稷

羊

燭

爵

羹

稻

梁

豕

燭

爵

翼

稻

梁

豕

燭

鬯

醢

薑

麇

菹

醢

簠

魚

脾

豕

無錫

四配位

帛

爵

黍

稷

羊

燭

爵

稻

梁

豕

燭

翼

鬯

醢

薑

麇

菹

魚

簠

魚

翼

鬯

醢

豕

燭

榛

菱

芡

麇







樂器

麾

金部

大鐘

鐃鐘

編鐘

歌鐘

石部

特磬

編磬

歌磬

絲部

琴

瑟

竹部

鳳簫

洞簫

龍笛

雙管

篪

匏部

笙

土部

埙

革部

鼗鼓

懸鼓

楹鼓

足鼓

鞀鼓

搏拊

田鼓

相鼓

木部

祝

敔

木鐸



舞器

旌節

籥

翟

大成樂章

乾隆九年奉部頒

迎神奏咸平之曲

有樂無舞

大哉孔子先覺先知與天地參萬世之師祥徵

麟紱韻答金絲日月既揭乾坤清夷

初獻奏寧平之曲

有樂有舞

予懷明德玉振金聲生民未有展也大成俎豆

千古春秋上丁清酒既載其香始升

亞獻奏安平之曲

有樂有舞

式禮莫愆升堂再獻響協鼓鏞誠孚巽廟肅肅

雍雍譽髦斯彥禮陶樂淑相觀而善

終獻奏景平之曲

有樂有舞

自古在昔先民有作皮弁祭菜於論思樂惟天

牖民惟望時若彝倫攸敘至今木鐸

徹饌奏咸平之曲

樂作舞止

先師有言祭則受福四海巽宮疇敢不肅禮成

樂徹毋疏毋瀆樂所自生中原有菽

送神奏咸平之曲

樂作舞止

鳧繹峩峩洙泗洋洋景行行止流澤無疆聿昭



祀事祀事孔明化我蒸民育我膠庠

望瘞樂

曲同送神

有樂無舞

祭

關帝

歲凡三祭五月十三日前殿照常用帛一牛一羊一豕一菓品五盤後殿不用牛餘照前殿其春秋二祭前殿帛一牛一羊一豕一簋二簋二籩十豆十後殿帛各一羊各一豕各一簋籩各一二籩豆各八

前殿儀注

祭日引贊引承祭官進左旁門贊詣盥洗所手

帨巾通贊唱執事者各司其事引贊贊就位承

祭官通贊唱迎神司香者捧香盒立香爐左引

贊引承祭官詣香爐前司香者跪引贊贊上香

承祭官將炷香接舉插爐內畢引贊贊復位承

祭官復位引贊贊跪承祭官行三跪九叩首禮

興平身通贊唱行初獻禮捧帛執爵者將帛爵

捧舉各就神位前引贊贊奠帛奠帛官跪獻畢

行一跪三叩首禮退贊獻爵獻爵官立獻畢退



贊 詣讀祝位讀祝者將祝文捧起立承祭官之  
左引贊贊跪承祭官及讀祝者俱跪贊讀祝曰  
維年月日某官某致祭於

忠義神武謚神勇關聖大帝曰維

帝浩氣凌霄丹心貫日扶正統而彰信義威振九州

宅大節以篤忠貞名高三國 神明如在徧祠

宇於寰區靈應丕昭荐馨香於歷代屢徵異蹟

顯佑羣生恭值佳辰遵行祀典筵陳籩豆几奠

牲醪尚 饗讀畢捧至神位前安盛帛盒內退

引贊贊叩承祭官行一跪三叩首禮興平身通

贊唱行亞獻禮儀同初獻但不讀祝通贊儀同初獻但不讀祝

禮儀同初獻通贊唱徹饌執事者詣神位前將籩豆等各少舉送神

引贊贊跪承祭官行三跪九叩首禮興平身通

贊唱讀祝者捧祝進帛者捧帛司饌者捧饌恭

詣燎位引贊引承祭官退至西邊立俟捧祝帛

過畢復位引贊贊詣望燎位引承祭官至燎爐

前贊焚祝帛贊禮畢引承祭官退

後殿儀注

祭日引贊引承祭官進中門贊詣盥洗所盥水

畢通贊唱執事者各司其事引贊贊就位引承祭官



就位通贊唱迎神司香者捧香盒立香爐左引贊

引承祭官詣于光昭公香爐前司香者跪引

贊贊上香承祭官將炷香接舉插爐內畢引贊

引承祭官詣裕昌公香爐前同前上香畢引

贊引承祭官詣成忠公香爐前同前上香畢

引贊贊復位承祭官復位引贊贊跪承祭官行

二跪六叩首禮興平身通贊唱行初獻禮捧帛

執爵者將帛爵捧舉各就神位前引贊贊奠帛

贊獻爵儀俱同先光昭次裕昌次成忠

各獻畢贊讀祝詣讀祝位在光昭公前日維年

月日某官某致祭於

關帝之

曾祖光昭公 祖裕昌公 父成忠公曰維

公世澤貽庥靈源積慶德能昌後篤生神武之英

善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事

薦馨尚饗讀畢通贊唱行亞獻禮儀同初獻

不讀通贊唱行終獻禮儀同唱徹饌儀同唱送

神引贊贊跪承祭官行二跪六叩首禮興平身

餘悉同前殿



祭

天后儀注

雍正十二年奉文各府州縣一體建廟奉祀乾隆二年又奉文通行春秋二祭

祭期前一日省牲正祭日陳設帛一白瓷爵三

羊一豕一酒罇一釧一簠簋各二籩豆各四盥

洗瘞毛血上香俱如儀行二跪六叩首禮初獻

獻帛獻爵讀祝文 維年月日某官某致祭於

勅封護國庇民妙靈昭應宏仁普濟福佑羣生天后

尊神曰維 神主宰四瀆統御百靈海不揚波

浪靜風平舟航穩載悉仗慈仁奉

旨崇祀永享嘗蒸茲屆仲

春秋

敬薦豆馨希神庇佑

晏河清尚 饗亞獻終獻各如儀徹饌送神

二跪六叩首禮望燎禮畢退班

祭

火神儀注

祭期前一日省牲正祭日陳設帛一白瓷爵三

羊一豕一酒罇一釧一簠簋各二籩豆各四盥

洗瘞毛血上香俱如儀行二跪六叩首禮初獻

獻帛獻爵讀祝文 維年月日某官某致祭於

火德熒星之神曰恭惟 尊神正位離明體陰用陽

配坎福民有功郡邑祀典崇新茲屆

春秋

仲敬薦



豆馨惟望 神靈默佑心曜含精上報懷柔之  
聖世下錫康吉於蒼生刲牲醑酒 神其鑒此一誠

尚 饗亞獻終獻各如儀徹饌送神行二跪六  
叩首禮望燎禮畢退班

祭厲壇

每歲凡三祭春祭清明日秋祭七月十五日冬  
祭十月初一日每祭用羊三豕三飯米三石香

燭酒紙隨用先期三日主祭官齋浴更衣用常服

備香燭酒菓牒告本處城隍通贊贊行一跪三

叩首禮興平身詣神位前跪進爵獻爵奠爵

伏興平身復位又一跪三叩首興平身禮畢本

日設 城隍位於壇上祭物羊一豕一設無祀

鬼神壇於壇下左右書曰本州境內無祀鬼神祭物羊二豕

二盛置於器同羹飯等鋪設各鬼神位前陳設

畢通贊唱執事者各就位陪祭官各就位主祭

官就位贊行一跪三叩首禮興平身主祭官詣

神位前跪三獻酒俯伏興平身復位讀祭文讀

畢又一跪三叩首焚祭文並紙錢禮畢

祝文 維年月日某官某致告於

城隍之神曰普天之下后土之上無不有人無不



有鬼神人鬼之道幽明雖殊其理則一故制有  
治人之法卽制有事神之道念厥冥冥之中無  
祀鬼神昔爲生民未知何故而歿其間有遭兵  
刃而損傷者有死於水火盜賊者有被人取財  
而逼死者有被人強奪妻妾而死者有遭刑禍  
而負屈死者有天災流行而疫死者有爲猛獸  
毒虫所害者有爲饑餓凍死者有因戰鬪而殞  
身者有因危急而自縊者有因墻屋傾頽而壓  
死者有死後無子孫者此等孤魂死無所依最  
堪憐憫或依草附木或作妖爲怪徘徊於星月

之下悲號於風雨之中今迎

尊神以主此祭謹設壇於城西茲嘗某月

上元

節謹備牲醴羹飯專祭本

州

闔境無祀鬼神等

衆靈其不昧來享此祭凡或一

州

人民倘有不

孝不睦侮法欺善種種奸邪不良之徒神必報  
於

城隍發露其事使遭官府輕則笞決杖斷重則徒  
流絞斬若事未發露必遭陰譴使舉家並遭災  
害如有克孝克睦守法爲善正直之人神必達  
於



城隍陰加護祐使其家道安和農事順遂父母妻子保守鄉里我等官府如有上欺

朝廷下枉良善貪財作弊蠹政害民者靈必無枉一體昭報如此則鬼神有鑒察之明官府非諂諛之祭尚饗

### 祭旗纛

每歲霜降前一日承祭官盛裝鎧仗迎請旗纛到教場張幕劄營至霜降日五鼓以帛一白一豕一行三獻禮禮畢放炮揚威撤幕束裝整伍回營歸纛於廟各官皆然

### 祈雨

凡遇亢旱祈求雨澤先一日齋戒禁止屠宰至期各官朝服致祭

### 山川壇次日致祭

社稷壇祭品儀注俱照春秋祭禮另用祝文不飲福受胙兩壇祭畢委官兩纓素服詣

城隍廟讀祝文行香以後每日兩壇祭畢各官同詣龍廟行香用一跪三叩首禮凡七日內得雨開屠

擇日行報祭禮同日先祭

### 山川壇次祭



社稷壇如前儀另用祝文飲福受胙次日先祭  
城隍廟次祭

龍神廟如春秋祭儀另用祝文如七日不雨或小雨  
不足暫開屠禁一日仍齋戒如前祭

山川壇

社稷壇委員詣

城隍龍神廟行香如前儀各壇俱另用祝文祭畢每日各

官俱詣

城隍龍神廟行香得雨後報祭如初儀如遇亢旱太甚各

官步禱行香祭壇俱穿朝服行禮祭後雨纓素

服餘日各廟行香俱雨纓素服惟報祭則各廟  
俱穿補服祈雨禁屠祭壇用牲各衙門照常辦  
事不理刑名不宴會不聲炮鼓吹不鳴金張蓋  
相見皆雨纓素服祝文照雩祭改用  
祈晴

凡遇靈潦為災祈晴霽先行禳祭之禮伐鼓用  
少牢應水所湧最多之門祭之祭先一日齋戒

禁屠惟祭門用牲祭日陳帛一黑白瓷爵二

一豕一釗一酒罇一簋籩各二籩豆各四各

穿補服行二跪六叩首禮伐鼓用祝文



凡祈晴三日之內禁屠齋戒各衙門照常辦事  
不理刑名不宴會出入不聲炮鼓吹不鳴金張  
蓋各官相見緝帽常服如三日仍雨則伐鼓用  
牲致祭

社稷朝服行禮另用祝文儀注如春秋祭禮不飲福  
受胙祈禱之日晴霽開屠擇日行報祭禮另用  
祝文仍飲福受胙

祝文 維年月日某官某致祭於

城門之神曰

詔命臨民職司守土惟兆人之攸賴並藉 神功冀

四序之常調羣蒙福蔭必使雨暘應侯爰占物  
阜而民安庶其寒燠咸宜共慶時和而歲稔仰  
靈樞之默運聿集嘉祥襄元化以流形俾無菑  
害尚 饗 社稷祝文同  
朔望行香

每月朔望黎明正官率屬穿補服詣

文廟

武廟

天后宮行香俱三跪九叩首禮次 城隍廟 土地

祠 倉王廟 樟神廟俱一跪三叩首禮



賓興

每秋試年學官先期就學宮起送諸生筮吉行  
賓興禮諸生就州廳事行禮畢以次列坐行酒  
張樂肅賓筵正官及佐貳官正坐陪飲畢以次  
給送花紅盤費銀有差辭出赴學宮謁廟行香  
鼓吹前導諸生升頴池度登瀛橋出學

鄉飲酒

每歲正月十五日十月初一日於儒學行鄉飲  
酒禮前一日執事者於儒學之講堂依圖陳設  
坐次司正率執事習禮至日黎明執事者率牲

具饌主席及僚屬司正先詣學遣人速賓僕以  
下比至執事者先報曰賓至主席率僚屬出迎  
於庠門之外以入主居東賓居西三讓三揖而  
後升堂東西相向立贊兩拜賓坐執事又報曰  
僕至主席又率僚屬出迎揖讓升堂拜坐如前  
儀賓僕介至既就位執事者唱司正揚解執事  
者引司正由西階升詣堂中北向立執事者唱  
賓僕以下皆立唱揖司正揖賓僕以下皆揖執  
事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我



長幼各相勸勉爲臣盡忠爲子盡孝長幼有序  
兄友弟恭內睦宗族外和鄉里無或廢墜以忝  
所生讀畢執事者唱司正飲酒飲畢以解授執  
事執事者唱揖司正揖賓僎以下皆揖司正復  
位賓僎以下皆坐唱讀律令執事者舉律令案  
於堂之中引禮引讀律令者詣案前北向立唱  
賓僎以下皆立行揖禮如前讀畢復位執事者  
唱供饌案執事者舉饌案至賓前次僎次介次  
主三賓以下各以次舉訖執事者唱獻賓主起  
席北面立執事者斟酒以授主主受爵詣賓前

置於席稍退贊兩拜賓答拜訖執事者又斟  
以授主主受爵詣僎前置於席交拜如前儀畢  
主退復位執事者唱賓酬酒賓起僎從之執事  
者斟酒授賓賓受爵詣主前置於席稍退贊兩  
拜賓僎主交拜訖各就位坐執事者分左右立  
介三賓衆賓以下以次斟酒於席訖執事者唱  
飲酒或三行或五行供湯又唱斟酒飲酒供湯  
三品畢執事者唱徹饌候徹飲案訖唱賓僎以  
下皆行禮僎主僚屬居東賓介三賓衆賓居西  
贊兩拜訖唱送賓以次下堂分東西行仍三揖



永春州志 卷之三  
出庠門而退

大賓以致仕官爲之位於西北僕賓擇鄉里年  
高有德之人位於東北介以次長位於西南三  
賓以賓之次者爲之位於賓主介僕之後除賓  
僕外衆賓序齒列坐其僚屬則序齒

司正以教職爲之主揚觶以罰贊禮者以老成  
生員爲之



